

D'aulcuns Iacoppins qui furent brus- lés à Berne.

L' An de nostre Seigneur 1509. il y eut grande contention entre deux ordres de Mendians, ascauoir les Cordeliers & Iacoppins, & cela fust à cause de la conception de la vierge Marie. Les Cordeliers disoyent qu'elle auoit esté preuenue de la grace du Saint Esprit, en sorte qu'elle auoit esté entachée aulcunement de peche originel, & les Iacoppins au contraire affermoient quelle auoyt esté conceue à la facon des autres enfantz d'Adam, & que ce priuilege d'estre conceu sans peche, estoit seulement reserue à Iesus Christ. Toutesfois ilz disoyent, que ceste sainte vierge qui debuoit estre mere du filz de Dieu, auoit esté sanctifiée au ventre de sa mere & purgée de toute macule originelle, ne plus ne moins de S. Iehan Baptiste. Hieremie & quelques autres, lequels par priuilege special ont esté sanctifiez auant qu'ilz sortissent hors du ventre de leurs meres. Lesdictz Iacoppins se feisoient fortz de prouer ceste opiniõ par raisons de la sainte escriture, comme aussi ilz auoyent entrepris de faire des disputes publiques à Heidelberg, touchant la conception de la vierge Marie, mais elles ne furent point mises en exequution. Depuis lesdictz Iacoppins commencerent à prouer ceste opinion mesme deuant le peuple par quelques faulx miracles & visions qu'eulz mesmes auoyent excogites. Mais ces malheureuses gentz se tromperent bien, & leur mensonge leur tourna sur la teste. Car il eut vn frere laic, simple & idiot, le quel ilz auoyent entrepris de seduyre & tromper par leurs enchanteries, qui reuela à la fin toute la fourbe. Ainsi il y eut quatre freres de ceste ordre prins à Berne, auxquelz on donna la tourture, & apres auoir confessé le cas, ilz furent degradez, & finalement bruslez à cause de ces fraudeuses & diaboliques machinations, lesquelles il auoyent forgées pour maintenir leur opinion. Car ilz auoyent enchanter de leurs charmes superstitieux, ce poure homme, & essayerent beaucoup des choses au Sacrament de l'eucharistie & es images taillées. Or finalement à l'instance des Bernois Haimo euesque de Lausanne soubz lequel diocèse est la ville de Berne, cogneut de leur cause, & apres inquisition faicte mena la cause iusques la qu'ilz furent degradez, & liurez au bras seculier, & bruslez le dernier iour de May au pré qui est par de la riuere d'Ar. il y en auoit bien d'autres coupables de ce faict, mais ilz eschapperent des mains des Bernois.



toyent entrepris de faire des disputes publiques à Heidelberg, touchant la conception de la vierge Marie, mais elles ne furent point mises en exequution. Depuis lesdictz Iacoppins commencerent à prouer ceste opinion mesme deuant le peuple par quelques faulx miracles & visions qu'eulz mesmes auoyent excogites. Mais ces malheureuses gentz se tromperent bien, & leur mensonge leur tourna sur la teste. Car il eut vn frere laic, simple & idiot, le quel ilz auoyent entrepris de seduyre & tromper par leurs enchanteries, qui reuela à la fin toute la fourbe. Ainsi il y eut quatre freres de ceste ordre prins à Berne, auxquelz on donna la tourture, & apres auoir confessé le cas, ilz furent degradez, & finalement bruslez à cause de ces fraudeuses & diaboliques machinations, lesquelles il auoyent forgées pour maintenir leur opinion. Car ilz auoyent enchanter de leurs charmes superstitieux, ce poure homme, & essayerent beaucoup des choses au Sacrament de l'eucharistie & es images taillées. Or finalement à l'instance des Bernois Haimo euesque de Lausanne soubz lequel diocèse est la ville de Berne, cogneut de leur cause, & apres inquisition faicte mena la cause iusques la qu'ilz furent degradez, & liurez au bras seculier, & bruslez le dernier iour de May au pré qui est par de la riuere d'Ar. il y en auoit bien d'autres coupables de ce faict, mais ilz eschapperent des mains des Bernois.

Des guerres entre le Roy de France & les Suyffes.

L' An de nostre salut 1510. le Pape Iules amassa vne armée de Suyffes & Italiens, & assiegea quelques ville de Venitiens, & en print aussi aulcunes par force, estant luy mesme au champ & en armes. Le roy de France vint depuis, amenant avec soy grande compaignie de François & Suyffes contre les Venitiens, lesquelz furent grandement estonnez d'vne si grande multitude d'ennemys. Pour ceste raison ilz feirent paix avec le Pape, scachantz bien que quand cestuy la seroit appaisé, ilz viendroyent plus facilement à bout des autres. Apres cela le Pape estant allié avec les Venitiens, delibera de faire guerre au roy de France, qui estoit le roy Louys douziesme.

*Le Pape iule
un grand guer-
royeur.*

Or com,